

八迷奇

卷之五



Centimetres  
TIFFEN® Color Control Patches  
© The Tiffen Company, 2007

八述奇卷五

光緒二十八年十二月初四日庚寅陰霧猶太人戒食

節名曰阿頭門義即贖罪為希布來之最重者前於西十月

初十日初九日自日落前起至次日落日後止二十四


點鐘內星食點水均不進口凡不忠不信者當此之時

諒不敢有不良之心也日昨倫敦東西一帶猶太人多

其教堂不剪祈禱之用故將學堂及會館數處皆假作

暫時教堂之用云

鐵嶺張德彝在初隨筆潘士魁校



初五日辛卯早大雨雷電大如黃豆午後晴猶太人懺悔節自九月九日晚五點十八今日落後各人即入此不飲不食之祈禱悔罪節洋名彼木齊坡爾鋪與工人均休業赴教堂負白巾以誦經其在波蘭俄羅斯兩國者奉教尤虔至有在教堂中終夜靜坐不稍移動如和尚參禪翌日清晨大眾齊集同守禁食迨日落乃鳴羊角以成節按彼之意謂先生者非聖人將來必生一人使天下一家無灾病兵兇山水奠定五穀豐登云

初六日壬辰陰雨數日前由日斯巴尼亞之瓦蘭溪亞代呢亞二城販來蘋果橘子極多往年此季上等橘子一筐七百一十四枚價則十先或十二先現僅七先半由加那地運來琵琶桶蘋果亦多價極廉往年一桶價一鎊現祇六先

初七日癸巳陰細雨大風相聞而作聞昨在沙貝巷第五十號郝樂肉鋪官查出壞猪腿二剝碎作團食人有損判罰五十鎊又特樂康邨邨夫馬爾勒因牽一病牛赴倫敦市易錢官察出罰五十八鎊八先夫人既重衛生在乎自衛然貧富不齊哲愚不著官不能處處察考

遂于飲食中先設法預防之亦保養通國人民之一法也

初八日甲午陰雨早熬粥分眾人并洋僕共四十六盃考英兵分三類戰兵守兵義兵戰兵可赴他國守兵不出本界義兵雖准出外僅能到各屬地然守兵與義兵之自願隨征外國者聽之各兵皆須在營二十年有因病或他故在營五年或十年者可滿二十年辭仍強壯仍願在營二十年者經官驗明仍由回家者報明住址官有賞日給一先或一先一二本士不尋在外陣亡

病故或因受傷患病回國于一年內亡故者妻與子女國家皆有恤賞每月多少關於人口之數又別有一會曰忠義會英名帕特里歐堤克凡陣亡兵丁之孤寡亦皆設法養贍近因優待亡兵乃將其回家一年身故之限展為二年前當英后賜眾午酌亦傳皆係一年內者今既改章故出示補傳其在二年內身故各兵之妻自行報官以領月賞

初九日乙未早大晴午後微陰涼四年前所記之倫敦拯救隊現更擴充募化進款固多而賑濟養育之費亦

鉅其上年總帳各項人數如所設賤飯鋪價廉而肉食  
潔淨專售窮人一年往食者共三千五百二十六萬三  
千三百九十一人暫宿店價廉木牀粘被與褥亦皆整  
潔一年往宿者共一千五百六十六萬一千八百九十  
二人代寬工作之流氓共十二萬二千一百一十一人  
罪犯出監後無處可歸收田者共五千七百九十人拯  
救無家之婦女收養者共二萬五千一百二十九名貧  
苦人家經訪察設法賑濟使之過活者共二十五萬五  
千八百二十七家窮人染病使人前往扶持者共一萬  
零九十一人入夜大晴明星在望

初十日丙申早黃霧迷漫街市丈地不見人然燈未初  
細雨後天稍清爽今日為西正月八日戊初倫敦美爾  
夫婦在公署中請小孩男女自六歲至十四歲之改裝  
跳舞會因余帶有孫女現年九歲月前以柬約欲否前  
往候回信并問年歲屆期改何裝余致書謝謂願携往  
註明年歲仍服本裝云即是眾中之新奇者繼又寄來  
夜餐票三頁其色左白右紅橫寬二寸五分豎長寸半  
上印千九百三年正月八日倫敦府小孩跳舞會九點

三十分美爾夜餐各語今日酉正二刻余同內人率孫  
女乘車入老城城內往來車輛極多各處立有巡捕彈  
壓指示至公署之旁門下車順樓牆地鋪紅毯搭有布  
帳入門登樓轉入大廳前直行美爾夫婦率他阿得曼  
等立左鄙金椅前對面有人執棍唱名引導一切多與  
前在極樂堂同來者過美爾夫婦前男孩向之鞠躬握  
手女孩與之請安與見君主禮同各孩見過皆順步入  
大廳余等與日本公使林董率其孫女皆立于美爾夫  
婦之右見所來幼童雛女共一千三百餘裝束不一有

歐洲各國今古官民兵丁鄉農工役有德國開色

見五迷奇

瑞國賣牛乳人本國宮廷侍衛及律師乳娘庖丁堂倌

美洲西印度人斐洲黑人埃及人印度女日本女中國

男女五有戴頂貂尾而身著女裙紅氅者有戴旗女帽

身者花裙藍氅而唇畫八字烏鬚者有著紅裙月白綉

花女鞋而頭戴日本女簪者有戴緯帽著藍號衣灰布

戰裙者有裝作西國女仙者有滿身鮮花肩荷竹梁名

曰一籃花者有裝作地洲苗野赤鬚赤髮者滿面黑毛

者奇醜之態筆難盡述見畢齊入大堂美爾夫婦坐於

正面矮臺金椅上余等坐其右其他世爵婦女坐其左樓上奏樂一切款式亦同極樂堂既而當中四人橫提木棍直立一行樂作小孩繞圈跳舞形式不一亦多新奇靈至亥正計共一十六場臺上各人立起美爾相金氏林董相美爾夫人余相特方伯爵夫人美爾夫婦先行其他依次對對隨入左門登樓入正飯廳美爾夫婦正坐右則金氏與余及孫女美爾夫人左則林公使并伊孫女再次則皆臺上各婦女卓形長圓坐人二十有四友若四小卓所坐皆美爾戚友之品高位尊者各小

孩男女皆經人引入右門至他間樓內飲食火雞煮魚醬雞牛羊肉牛舌海蝦火腿生菜糕點鮮果香賓驗水各品卓上亦列鮮花及對扯花紙爆食畢攬扶下樓入堂坐臺上復看小孩跳舞兩場時乙子正遂謝歸是會洋名朱威迺勒勒釋言幼年跳戲也是日林公使之孫女亦著本國服色十一日丁酉陰細雨陣陣申正偕內人帶孫女乘車東南行十數里至安斯婁園第五十號赴特拉希夫人之女段斯譚夫人家小孩改裝跳舞會入內先進飯廳見

特夫人母女繼而立食茶及小食少許後登樓看眾孩  
跳舞幼童推女百餘裝束無須再述其與昨日不同者  
各孩背負一帖上書其人名姓及所裝束為何地人又  
男女各客一帖上書請于男女各孩中各擇所喜者一  
名書其名姓裝束于其上以便公賞寶星跳舞六場後  
小孩分對走入內間各領糖果一小筐出旁門由大廳  
左門轉回再則一女執筐向各客索回其帖將入他間  
擇其中書名最多者分賞寶星法與公舉者同許久乃  
回至旁間對眾唱名給賞所賞之二女孩一條作印度

王妃一則作瑞典鄉女二男孩則一竹宮中舉牙紅衣  
侍衛一作法國武官其實星銅質金色形如制錢看畢  
下樓再入飯廳喫冰乳果羹各數匙謝歸時已戌正  
十二日戊戌陰西曆上年十二月十七八兩日有各善  
男信女施捨小孩玩物布人等以備于耶穌節分給各  
醫院義學中之男女小孩各物聚齊先陳列於阿拉伯  
堂于此兩日僑人觀覽大小共計二萬八千件外有雖  
係玩物而兼可使用者數百件以給其孩之稍大者更  
有無名氏特捨新鑄之六本士小銀錢一萬一千二百

個司妥瑪者特捨對扯花幣爆二萬七千個布人中之大而著衣者四千

十三日已亥晴甚冷聞蘇格蘭都會格拉斯勾人木高麥格來向在緬甸京城蘭古恩售賣木料為生數年來集財甚富遺有一十五萬金鎊其人將死田有遺書云田三分之一與其妻其之二分一半賑濟格拉斯勾之貧人不忘其生產地也一半賑濟蘭古恩之貧人不忘得產地也所有金錢皆願分給確為貧苦之人不給教中人及福音會中人以稱其心云

十四日庚子晴冷如昨入夜微雪河結冰京師有以臘八粥塗樹葉其多子如古人嫁杏者而英之英蘭西南界如代萬晒格婁希色西爾佛色墨賽府等正月初一日晚亦有將樹枝浸入酒瓶名曰酒灌果木園因地產賽得爾蘋果酒初一日樹醉卜將來蘋果豐盛也數十鄉民一人抱賽得爾酒一大瓶他人各執一銅鑊器如鐘勺壺鑊往見園主先歌一曲以致賀云醉盡蘋果樹通鄉盤色白而酒色黃盆子造以好楓木啤酒成由大麥香浸君樹以我等酒因此一浸定芬芳歌畢秉燭入

園擇各樹一枝浸入酒瓶一次并將各樹杈置麪包與鹽少許隨灌酒各人搖鐘以極敲所携銅鏡器又歌曰  
蘋果樹蘋果樹我等黃酒如甘露生而長長而生大帽  
滿小帽滿大布袋中亦盈數哎呀孩子們  
祝爾饒裕二歌俚鄙不堪譯出仍之以存真也

十五日辛丑晴冷都門乞丐每於封印後塗面改裝赴各鋪討錢昨聞英蘭北界約克晒府有種下流人于新年之日亦塗面改裝作斐美等洲野人頭頂鳥羽身披鹿皮面塗紅土或染黑漆怪怪奇奇觀之令人畏懼乃

廣聚通城各家排闥直入為之洒掃刷洗揮塵去垢以為戲入門不語彼此互作營營聲收拾畢本家備有酒果小食少食即去此等遊戲中國不視為幕客耶各地風俗雖有相似用意究不同耳

十六日壬寅晴冷聞英蘭極北各煤窩中工人輪班三個月一換冬季一班曰耶穌降生節班平日挖煤鑊桶上下井中專有一狹換送空桶至西十二月三十一日所繫之末桶或止月初一日之第一桶各工人贈此狹一耶穌降生餅釘挂桶邊俾易見否則亦有給錢少許

者又於西十二月三十一日蘇格蘭土俗凡貧家子女  
於是日以布作兜挂胸前沿街成影赴各家討取蕎麥  
麪餅乃隨行歌曰臘月三十一特洛洛立土語請賜白  
麪包黑者則不必繞行一日兜滿回家可供三日食云  
入夜微風尤冷

十七日癸卯晴冷昨日藩部傳云申報僑居司謂少年  
婦女之僑居南斐洲者苟無戚友照料或不經僑居會  
親軼保護恐無益而有險按僑居會歷來保護婦女之  
他往者現往南斐洲者亦由該會保護國家深為嘉許

自耶穌節後國家設法協助凡助每人一鎊約每月費  
至百鎊

十八日甲辰晴冷如昨街行東北風敝面冷如都門十  
月天英規男女幼時嬉戲不同屬身解性情無益者禁  
之地非開敞日光能臨而使人爽快者止之凡踢球拍  
球拋球各藝之需力者必得學堂驗明年逾六或七歲  
腦氣生足之幼童又隨時訪察違則罰故孩童遊戲各  
得其當然各國養育教訓之法非一德國幼童操斡練  
武袒臂推舉鍊球屬和國則拘執太甚游戲處處有定

章禁破格冬日溜冰夏日在臨北海之石文呢根地方  
挖沙玩耍亦有一定格局義國最先烈如二人對劍暗  
中行刺喪心分離致人死地各游戲之名雖云童戲多  
有因之殞命者通國男女小兒皆不以死為心故無君  
黨多出自義大里法俄兩國則經父母教養游戲之法  
由長傳幼有益無損大要相同他如日斯巴尼亞之天  
主教各國神甫將古時游戲各法著于冊勒令小孩仿  
行而于身命無損丹瑞之間司堪的那威亞一帶小孩  
戲物無多夏季栽種小樹或戲弄碎瓷及馬口鍊之

盤盃類入冬遍地冰雪以小冰牀載小孩小孩在後隨  
推隨溜尚有趣北美洲加那地之北埃斯奎墨克斯地  
方極冷苦入冬冰雪尤厚小孩更無戲物乃在撥蒙古  
包前挂一物如鶴因畫短然油燈羣孩以皮裹身纏頭  
以海馬牙作箭以手代弓拋射之亦極歡樂由此以觀  
各地自樂其樂亦可概見矣  
十九日乙巳晴而霧昨由英商部傳云由各海關報來  
謂上年十二個月中自他國坐三等艙來英之貧苦人  
共十九萬九千八百六十八人較前年多來五萬零百

十八人除此下船後或來倫敦或他往者外尚有充水手一千五百餘人自西曆一千八百九十一年至上年按年互為出入計之合一年多來萬人亦可徵英國商務之盛矣

二十日丙午鎮日白霧迷漫咫尺不見人街市燈無光入夜雨聞英國伯爵喀那文夫婦於上月由法京李茲店携行李至北路火車站有首飾一小綠皮匣蓋有暗鎖以皮帶細入衣包內交行主登保險簿車至夏當改乘午後輪船至都伍復坐火車戌初抵倫敦馬車接至柏克雷坊第十三號住宅行李到衣包未細皮匣已開匣內兩層其上層物直五千餘鎊皆失去計戒指十二金鈿八胸口針十女金表二以上各皆鑲嵌珠寶玉石之類中惟一戒指鑲重三十米粒珍珠一粒重三喀拉半每喀拉重四米粒鑽石一占共直八百鎊乃至貴者即時報巡捕用德律風傳各處奕正巴里通城巡捕廳火車行皆知祕為訪察無著

二十一日丁未晴聞前于西十二月十三日即四明在暹羅都城曼谷之獨溪園中有售各物善會國王及各

大員咸在彼擺攤然燈結彩鼓樂喧闐陳列佛象為多  
英武官葛倫扉買綉花手帕一函四十鎊一玻璃酒盃  
上鑿暹羅字二鎊貴由公主售也是皆仿西法耳

二十二日戊申陰而微霧稍冷入夜微雨暖倫敦新舊  
城內因路仄人稠僅有雙馬跑海公車名教木呢柏斯  
俗僅呼曰柏斯嗣於四面寬處師美法之鑊道公車名  
特拉木衛二三年前又師德之電線公車名衛希克勒  
此二車雖快於馬車究不便于城內四年前初創電汽  
自行車名曰謀士爾略今春初到此已見售此車專鋪

而街市乘坐者約十之一二近在庇喀的里教斯佛等  
街又創用電汽公車容八人者容二十人者敞棚者帶  
車箱者惟車頂不坐人防險也是車較鑊道公車稍小  
較電線公車又甚速惟不數見爾聞車行現定造容二  
十人者二百輛工竣後可通城暢行矣

二十三日己酉早大霧稍暖已刻微清明申初復大霧  
數武不見人前二十日大霧半由窓隙吹入屋中迷漫  
似烟今日霧雖厚而屋中如常清爽蓋二十日霧低今  
日霧高也聞義俗諸生立有手槍會散學不回家即至

他處操練比賽準頭故每日諸生入學皆攜手槍學中  
按時有赫操亦有較槍者致多誤傷故傷現在學規禁  
止然童心不改合前後兩節觀之義人之不以身命為  
重可知矣

二十四日庚戌陰聞義國柏魯那富戶馬那拉者於數  
日前與子口角遂立意死後一切產業子不得承受乃  
拍賣各物易得四萬餘鎊之紙鈔納於牀褥下卧其上  
自焚而死次早其子始知鈔皆成灰苟得各鈔之號數  
尚可少獲遺產否則無一文矣今日係西正月二十二

日即前歲西曆一千九百零一年正月二十二日英王襲位日午正通國各

### 營聲礮慶賀

二十五日辛亥早晴申正仍霧嘉慶年間西人在中國  
傳天主教者分兩黨曰翟隋滋曰兜達尼堪斯翟黨義  
取基督兜黨義取先賢兜達尼喀天主教規拜天不拜  
君親翟黨人豪勇精能首曰將軍謂作事雖兜暴但有  
益於將來者即為之甚至弑其君以為將來有益於國  
所謂精能者中國祭祀祖先凡入教者暫順之而不勒  
禁冀從教者眾兜黨則定守教規必要以脚踏祖父墳

墓石碣之上以明其誠。因之兩黨不睦。兜黨稟教皇。至今禁翟黨入直隸。僅在江南一帶。現入中國傳教。別加兩黨在直隸。曰拉雜里斯。他在兩湖。曰第蘭希斯堪斯。數日前英皇與后由三打杭鎮地方回倫敦宮。中午酌畢。回正赴文恣行宮。因昨為其先君主忌日。早英皇與后率太子與妃及他王公夫人入宮內禮拜堂坐聽教士唸經。祝先君主之靈。西教不拜君親而行跪拜禮于教堂。其面謁跪教皇求親跪美女。乃勒禁入教華人跪拜祖先。噫。如英皇之所為。謂之不變國俗。斯可矣。

二十六日壬子陰雨。入夜風。昨日戌止。海德夫婦同請在阿勒巴瑪街第十三號阿勒巴瑪會館晚酌。同席男女十六人。有日本公使林董夫婦。肉菜無多。與他飯館之三先頓飯同。惟外加香賓舍粒耳。詢海德女阿蓮。何不來。渠云今日客皆已娶嫁者。不宜來陪也。

二十七日癸丑。早陰。午後雨。昨見新報內一則。幼女被擊。乃一水手名哈爾得。因前日在樓爾什街拳擊幼女葛爾伶之背。被捉。女年十七歲。供云曾與哈爾得同宿三餘月。因哈懶不作工。遂別去。繼而哈乃謀以將娶為

妻喜而仍往同宿。哈依然懶惰，飲食不給。云云。官罪哈而釋，萬余到英以來，見新報所述男女同宿如此者多矣。女皆無罪，女不賣身，則魚食賣字不恥，貞字不知。西土民風有如是者。

二十八日甲寅陰風冷。倫敦城內太木斯江以南貧人甚多，在原柏衛區之阿拉巴尼路有捨牛肉湯，處洋名格蕾蘇普其趙譯言大湯厨據云此厨定開半年自十月中至明春三月，每日寅之間遠近來之囚首垢面，舊衣破鞋，婦女兒童極眾，各提盆罐，燭壺，大小形式不一。到門時有二十巡捕彈壓，每四十名一班，按班開門，厨甚大，先有大缸五，內盛四百五十加倫，每加倫合英者一百六十斤者四，盛二百五十加倫者一，外機器銅鍋四，每中盛八十加倫，又有隨時備用之小鍋三，每中盛六十加倫。屆時由大鍋分入，使之熱湯，可養身亦開胃口。每日熬法用牛頭七牛蹄百十二磅，牛骨髓百六十八磅，番菽三百八十八磅，葱二百二十四磅，紅蘿蔔百七十磅，大蘿蔔百七十二磅，豌豆四百四十八磅，鹽三十磅，胡椒末四磅，半芽香十一磅，豆麩九十磅，一日乞湯者不下七八

千人所施日多一日曩備六千二百二十加倫今增至  
二萬一百加倫一禮拜費約八十鎊乃賴厨中首善名  
胡藹德者隨時募化云

二十九日乙卯陰雨陣陣狂風怒號倫敦城內東南一  
帶貧民無工作婦女多飢苦入錢不易一寡婦養子女  
四乃以布裹婦女衣中所用之鯨魚刺每一百四十四

條工價三法丁到百銀圓不又一寡婦養二子子一眇

乃縫碎皮作工每一碼半先給半又一婦携一瞽女縫

褲度日每條二本士半給零又有做小孩鞋再縫皮底

鑽鈕孔者每十二雙二本士半或三本士做火柴匣自

備漿糊每一百四十四個二本士半做布人臂膊自備

針線每一百四十四對一先惟給英國石物昂貴貧民

之苦可知矣

三十日丙辰大晴西曆正月二十七日為德皇暨良第

二之生辰其母英君姊也昨晚西正舅氏為甥設筵遙

慶於文忠宮同席太子太子妃丹國太子與妃及他公

主夫人王爵德俄兩國公使丹國公使夫婦計二十八

人宴畢英皇立起演說以壽德皇德國公使立答數語

以祝英君英君即時并電賀德皇

光緒二十九年歲次癸卯正月

初一日丁巳大晴早懸龍旗已正偕眾參隨繙譯向北  
恭拜

聖牌行三跪九叩禮禮畢圍拜互賀新禧寄居倫敦者多國  
語言既殊而規矩與教復異卽以婚嫁徵之倫敦東北  
角之司在他麻村多波蘭貧民其婚娶在希臘教堂成  
禮屆時上等首客先入教堂坐于新郎應坐之座後到  
者餽以微物請其移開繼而四人背負紅綢引面遮白  
紗之新婦入以避新郎注目進堂立定隨新婦之人口  
稱與之梳髮乃加鳳冠于頂後則教士由一銀盆內抓  
蛇麻一把向眾頭上洒之再將神像捧於新夫婦前使  
觀面禱神聖保佑并燃短燭各執其一各飲酒三杯彼  
時隨新婦之文客伴拉女髦乃交其衣尾於新郎于是  
新婦之左手始交新郎之右臂彼此互換戒指而禮成  
又西德爾貝路有一清真寺正而僅一小玻璃窗畫一  
星一月義指長壽地鋪大檀壁書亞拉伯經空屋無座  
在英國只一回教牧師名奎良木數日前一印度人結

親各人入寺不脫帽而脫鞋于門外新婦裝飾與英人  
相似惟面不遮紗新郎著淺繡金花紅綢襖頭纏紅白  
綢地人皆著英服頭戴口形紅毡帽牧師披闊氈頭纏  
花布立新夫婦前操亞拉伯言問曰彼此成親是否各  
出本意連問三次新夫婦皆答以是乃請諸客畫押作  
證此後稱述回教先聖之名而夫婦之稱乃定繼而誦  
經末則男客各吮新郎之額并左右腮兩次而禮成寄  
居倫敦之德國猶太教人亦多能英語者頗少彼教人  
在教堂成婚禮係一大牧師頭頂口形高帽著寬氈繡  
金花偕十二人立于地中新婦到隨有六人偕新郎立  
於牧師對面上罩一長方花布帳四角四友各舉一桿  
牧師即讀婚例後令新郎及新婦之戚畫押新郎乃執  
新婦之手曰汝為我妻彼此互換金戒指牧師舉酒一  
杯為之祝禱畢令新夫婦各飲一口繼而新婦向新郎  
繞行三次新郎向新婦繞行兩次後新郎舉杯擲地使  
碎萬分義指夫婦永偕萬分不分也連新夫婦出堂眾  
人合聲唱曰去之夫婦受天之祐

初二日戊午晴西國衣服不時改式因之材料花樣亦

時有更易于是倫敦凡皮黏綢緞衣料及已成之衣服  
女冠各鋪皆于正六月或價售一次俾免貨滯本虧  
正月者曰冬季六月者曰夏季每季貼招賤賣若干日  
貨之至老或尺寸不足者其價日減以求速售有原號  
一鎊至末天減至十二三先者又聞大鋪夥計除衣服  
外房榻飲食皆歸鋪中工價每一禮拜多者二鎊按時價合  
銀約十出信各物由何人賣去管事者給有憑條記以  
所售若干錢按月總算每一鎊酬以二本士

初三日己未早晴申刻陰入夜風雨交加雷倫敦汽車

或電車價極貴每輛由五百至六百五十吉呢合六百

磅按時價合不下五千五百兩據云價雖如此而較馬

車尚甚廉也馬車每輛由一百五十鎊至三百鎊馬兩

匹由二百至五百鎊鞍韉兩旁由五十至百鎊既中晝

夜背負之黏套等共由十鎊至二十鎊統計每輛應由

四百至一千鎊此外又加地租房車馬稅及車夫工價

一年須三百鎊再加飲水燃料等一年又須三百六七

十鎊是馬車倍貴於汽車且汽車僅用一人外加電氣

火油之類費無幾將來通城汽車必盛於馬車

初四日庚申早晴午後陰申初驟雨一陣入夜晴英國  
古魚鐘表時合中國之土圭測景之法皆用日圭看時  
刻故至今凡老花園及樓房中多有日圭古蹟鑿於石  
礎牆壁之上且隨有成語如光映影轉晝夜無限又時  
比人命忽短忽長或彭或殤又日圭所指一刻不甚寬  
苟失一刻試思棄工若干日晷之最古者在英蘭正北  
坑柏蘭城之白鷗行宮始自西歷六百七十年唐咸亨六年  
又在瑞珂晒府之賽特村有小山向南一面立石四塊  
各隔四英里以其影看時乃一山日圭也又在諾福府

之三汀杭城內有英君埃達倭之日圭

英王之有此名者共十其第一

係在九百零一年係靠南牆外另立一石牌形似座鐘前一方

面上插一針左右與下三面寫數乃左寫六七八九右

寫五四〇三下橫十十一十二牌頂刻字一橫云

我之時刻賴君指示厥後日晷之變格乃寄諸時計

初五日辛酉晴涼外國人不惟於平日各節處處求便

求精而水陸軍中尤日求善法陸路既有氣球窺軍情

近聞在海底又得探敵船之策乃一甚巧之法法國新

創在海底船腹中能便三里外之敵船映入桌面布上

如繪察其所向可即定于某地某時放水雷余所聞如此雖未目睹其用而將來各國必仿而盛行也

初六日壬戌陰冷英國水師諸生在船操練每日飲食皆有定章如卯正扣扣一大盤辰正早飯麩包十二兩猪肉三兩加蒜加牛乳一大盞午正晚飯牛肉九兩煮生菜少許酉初點心麩包八兩果汁二兩將睡時各乾麩包四兩

初七日癸亥陰英國各公署之司員皆按本署所辦何事考其所學考列前名者即為正途隨時傳入按所考者如第一為聯典文本國及法德義俄等國語言文字天文地理算法等再則所專學者如格物化學醫道律例水陸兵法公法商務教門教讀製造以及雅斐兩洲之文字語言惟外部則不然不惟考其所學更須經人保薦察明其身家品行蓋以與外國交涉情形最關緊要其人必須忠誠謹慎以防從中舞弊洩漏機關而賣國求榮也

初八日甲子陰西人謂清氣養神清血換氣以口苟不患口膈之病齋亦必虛氣自鼻入走管入肺而自煖且

隨走去滓毛塵垢氣自清澄氣自口入既短而無用肺  
中氣盛不足血自不淨肺存濁氣譬如器積淤泥終歸  
無益入夜窓上稍開以進清氣亦妙法也

初九日乙丑晴現因天寒通城貧民之無工作者各區  
皆有或數百或千餘統計逾一萬經善士所設拯救隊  
及工人會等竭力周濟不使飢餓滋事近日頗見苦人  
列隊街行或數百或千餘隨有馬步巡捕數十四面彈  
壓前行者奏樂聲調淒慘此後或舉紅旗或舉黑旗其  
義未詳隨行左右有執馬口鏡撲滿者向人乞錢于是  
有沿途施捨者有自樓上擲下者多寡不拘聞一日竟  
得數十鎊足供每人一飽云

初十日丙寅早晴午後霧入夜暴風驟雨聞倫敦美爾  
夫婦于西去歲十二月三十一日午後譙老城貧家子  
女七千四百名於極樂堂不惟各孩在內聽樂飽餐且  
各得贈點心一筐其筐共載二十五敞車每筐內盛猪  
肉餅耶穌糕李子餅各一茶葉糖果各半觔捆筐共用  
花繩五洋里長合三萬零四百英尺裝車共用十二人四個時辰  
始行裝盡當晚食將畢美爾亦立陳一段以鼓舞之眾

孩歡聲稱謝而散。

十一日丁卯陰倫敦耶穌節餅或李子餅又名百果糕向皆各家自造材料頗多去冬諸物直昂桃仁尤甚且既做即須一大鍋所費甚多故各家咸計人數而買若干斤送禮買鋪造之餅每斤二三先不等聞通城各鋪出售共十萬零五千出大小不一由一斤至三十餘斤統約二百五十噸在教斯佛街僅胡柏爾一鋪售出萬出以上皆倫敦一城所用此外運往澳大里亞南斐洲印度及他各屬地並俄義瑞士諸國者自西八月間即

向外販運每日約在二百上下共計一百三十餘日為數不下三萬出此亦英人一時之一大生涯也聞就中有一大出直徑二尺半高二尺重一百九十八斤直十鎊半其寄費盛匣歐洲每匣二先新錫蘭三先南斐洲七先半

十二日戊辰晴暖申正微霧聞賽西店去歲一年共進二十二萬五千零四十三鎊除一年所費及他零款共餘三萬六千二百一十七鎊除按百分內抽五分半歸舊股抽三分歸新股外餘一萬四千九百五十三鎊仍

留店中使用

十三日己巳晴未初稍陰倫敦鋪戶人家白晝亦皆閉門英例禁乞錢間有貧苦殘廢之人憑歌曲討錢然不能敲門討要乃在街心歌唱隨行左右望之其欲捨給者自由樓上擲下現因貧民無工作者極多前曾見有數百街行巡捕彈壓以乞錢者近又見有男子三五成羣街行歌唱討錢此等人係不欲入丐大夥或按章不能入夥不得而知也其所唱或經或曲亦不知也遇有挪移搬抬物件者隨時亦可僱用此等人

十四日庚午晴倫敦新任美爾約飯例請各國駐英公使赴否自便聞前者美爾獨未請魯麻呢亞國公使公使怒致書詢其由美爾答以其國待猶太教人不仁故不請公使無法在英辯駁乃報知本國其實乃美爾之錯蓋美爾雖為猶太教人而其請飯係照官例非私情也彼公使苟行文英外部告其非理有礙邦交咎必歸于美爾矣此次不惟公使未經告理而彼國亦未追究是亦關乎國之大小強弱也彼國猶太教民更乘此機會勒令國家改定多條新例保其利益一切與他教人

同。

十五日辛未晴聞英人之學習水師兵官者皆須上等  
按例必在十六歲以上者先送登舊大船學四季合一  
年零三個月其家一年交官七十五鎊衣服等費年約  
五十鎊凡上船各童不惟衣須一律箱隻亦令相同完  
此四季考畢授以領帷再登他船游行外國每年其家  
仍須付官五十鎊待其升至游都食官俸方行停止供  
給云。

十六日壬申晴聞昨有由美洲加那地正南麻呢投巴

府經官派來一人名石艾柏者招雇農工計

墾有四十人創首各領官地由一百六十至六百

畝不等種三年後償本石來此代各地主雇三百或四

百農工約共一萬六千人各人飲食住所歸地主每年

工錢由四十鎊加至五十二鎊

十七日癸酉晴前日在稼穡堂洋名阿格里柯邱霍勒

人設犬會名曰克樂第自收携犬來此或出售或比賽

犬身與眼爪之大小毛與腿耳之短長色之黑白紫黃

種類不一價亦極昂第一為布勒混義乃血獵犬也色

紫黃短毛大耳高腿價號五千鎊第二為達麻田其種  
產在奧國南界達麻場亞地方故名其色白質黑點短  
毛小尾大耳長嘴價亦號五千鎊第三為柏爾蘇艾係  
俄種其色黃身細毛長嘴尾亦長而腿高價號一百五  
十鎊第四為日本西班牙乃長毛黑白花小哈巴以其  
初產于西班牙又來自日本故名號價二百鎊大小一  
千六百條共值二萬鎊往觀者入門票價及賣去若干  
皆未聞

十八日甲戌早微雨酉初大雨入夜雨止仍陰昨記之  
布勒混狗身大耳大性頗靈曩者英人用之尋人踪跡  
如將所欲尋覓者之隨身一物如衫褲鞋襪之屬與之  
一嗅即能按其所嗅之味而追尋之以意度之各人氣  
味不同隨行皆有遺味故狗能辨別然被尋者亦有法  
防之嚙破中指滴血于地狗追至滴血之處則止步不  
前想係氣味淆混之故達麻田狗中身長腿行動極速  
能隨跑於車下四輪之間故又名曰車狗柏爾蘇艾狗  
身細腿長馳驅輕快其性極馴能察地勢捉物且善獵  
狐云

十九日乙亥陰涼。亥正二刻，偕內人乘車至瓦喀的里街代萬晒爾樓赴代萬晒爾公夫人茶會。此會為本年倫敦第一大茶會，蓋該公夫人為現在通朝各世爵夫人之首領，故設茶會亦行倡首也。樓房宏闊如宮，修飾華美，樓下奏樂，樓上旁間備茶點酒食，長卓設兩處，來人男女千數百，密攢如蟻，盡官場中人。登樓見代公夫人，後步入別間，少立下樓時，己子正。

二十日丙子晴。今日為西二月十七日，英廷定于未初開議院。屆時英君與后率太子往誦念宣詞於上議院。

并請各國公使夫婦往聽。午初，余偕內人乘車走利貞街，過柴艸市，見在柴荅十字街及白堂議院等街皆左右排兵，中以黃沙鋪地，兵後立人，男女如堵，馬步巡捕往來，彈壓兩邊，各樓臨窗亦挂綵綢，賃人瞻望，一切多與國王加冕時同。凡國王經過之地，皆自午初禁止電車游行，行走堂中，正面一三級長方小台，上鋪紅氈，中設寶座，為君與后坐，左右二椅，為太子與妃坐，左面橫排四椅，為皇叔等坐，臺下右鄙一方池，內層層列座，坐各國公使對英君座，列長杙兩行，末一橫桌上陳公文。

案件此外左右各列長凳五行皆坐上議院之公侯伯  
子男爵夫婦此層地鋪花氈枕凳咸罩紫呢絨墊再上  
四面敞樓一圈正面與左右坐各國公使夫人命婦對  
面坐下議院中數十人及新報館中十餘人下議院人  
多而此中容坐無幾容立之數亦不多故皆計定坐立  
之數眾中拈鬮得座者坐得立者立其拈得白紙而不  
得入者亦無法車共五彩宮車六輛前四輛各以紫馬  
四匹載行內坐前引大臣御前侍衛及內大臣等第五  
輛以四匹烏騾載行內坐宮官嬪妃第六輛載以青馬  
八匹內坐君與后末初皇叔夫人等先到坐寶座左邊  
一行繼而太子到坐寶座右椅上國君與后率各官于  
一點三十分出卜靜宮一點五十五分過白堂街未正  
入議院進婁冰閣換禮服乃紅呢銀鼠氅尾長八九尺  
換畢轉入堂門先二官舉棍退步前導繼而宮官對對  
再則一官雙手捧寶劍一官對手托一長方小絳上置  
王冕君與后入各後二紅衣童執氅尾于是通堂人皆  
起立君與后登臺向眾一點頭各皆向之一鞠躬君坐  
右而后左寶座左右各一門他人入左門君入右門

君少坐對面大門開走入下議院紳董數十立於橫卓  
後既而國君執一篇坐讀云君主諭上下兩議院爵紳

曰我國與各國現皆和好如恆前以魏尼蘇喇國

地在南美洲

洲正北偏西開罪我國船隻酷待我國人民我國不得已特

將彼國海口封堵旋即開議一切以息爭端現在已有

成議所有封堵彼國之各海口即可弛禁此則朕言之

欣喜者也至此事之各案卷業已陳諸案上矣我之北

美洲屬地與美國之阿拉斯喀

地在此洲西北角壤地相連屢

以疆域未曾劃清時啟爭端現為息爭起見已議立條

約訂將此事歸公正人判斷業經蓋印經予批准矣又

土耳其各省之在歐洲者其蠢動情形甚可慮亟須設

法整頓整頓之法須妥慎周密實可行此層朕已與

土皇及土之臣工言之矣柏林條約簽押之各國有何

整頓善法可以條陳土皇請其照辦之處現在奧俄正

值商議予願所議各節足以濟事並望我亦得以竭力

相助至此事之各案卷亦將發交汝等閱看我與土國

政府議將毗連亞丁之邊界派員會同劃清雖經竭力

商議而迄未有成言之殊深抱歉現仍催辦甚力調征

木辣阿布杜拉地在南斐洲之大軍在義之蘇梅里蘭屬地

歐比亞海口地在東斐洲正東登岸中有馬兵一隊係在橘子河

及脫蘭斯瓦一帶招募成軍現在不久即將前進義國

政府于此一事實屬真心相助予願經此一番舉動後

歸我英義保護之種族可期安枕無憂矣南斐洲事大

有起色令人可慰藩部尚書章伯綸前赴彼處查勘一

切功效甚著身歷其地即可與彼處經略大臣米勒訥

各屬之執政大臣及巨商碩士等討論一是凡棘手之

事或從此可以了結猜忌之心從此可以泯滅矣干奴

地在南斐洲土酋擅開兵釁予故不得已派兵征剿我軍

現已進踞其都呢崔里亞劃界一事予從此想可開辦

安然無虞矣至此事之案卷亦將即行發下矣予之紹

繼印度皇帝之稱也已于代樂喜地在印度西北界地方詔告

大眾而受各親王之祝賀矣各王等忠心為國時時以

朕為懷言之實深感激此次舉辦慶賀適值早象告終

各處農商又復十分富饒為數年來所未見是則予言

之而不勝欣喜者也又諭下議院院紳曰本年所定度

支冊不久即將發交汝等核閱雖所定支用各款俱已

格外樽節。然我國幅員既廣，所費不能不多也。既又諭  
上下兩議院各爵紳曰：愛爾蘭農地情形已經迭次頒  
例整頓，現擬再議一例，俾竟前例。上次所頒興學條例  
現擬擴而充之行于倫敦都城，停止津貼糖商之約已  
在比京批准。將來如何可以實力奉行之處，以及如何  
籌集款項以為開斐洲新地之用，均當設法辦理。倫敦  
海口之便利與否關係全國，如何經理之處將與汝議  
頒一例禁酒之例。蘇格蘭須有之現議更改俾臻妥善  
予願此議不久即成為例。估價條例如何更改幼童工  
作如何照顧牛乳等項如何禁止撓雜治理收受另款  
仍生利息之銀行之條例如何更改收受仗義捐款公  
會如何再行設立均須設法辦理。予謹祝彼蒼示爾程  
途佑爾歲事念畢立起向眾點頭而後出院回宮眾亦  
即散。

二十一日丁丑晴。英國白星洋行新置大輪船一隻，名  
賽得力者，昨由立文浦海口駛赴紐約，船載人可三千  
頭等艙一百六十，客廳飯廳在內，二等艙一百四十五  
三等艙四百二十。據云船長如倫敦之柴草市帕瑪二

街寬似利貞街船面分九窰由船底至船面高比倫敦  
至高之樓船中所備飲食一日三餐足供一小城內一  
萬五千人之用即如前者往來不足二十天共用牛羊  
肉三萬五千斤猪肉五千斤牛乳五千斤糖萬斤加非  
二千五百斤茶葉七千斤啤酒萬瓶雞三千隻鴨子六  
百松雞二百細鶴鷄七百番薯二十五噸亦足見英美  
兩國往來行客之多矣

二十二日戊寅晴入夜風鼠莫多於倫敦新房莫論矣  
本使館老房也數年前當余住此時已見白晝鼠游行

樓板卓櫃間昨聞斯特蘭街北一帶鼠患尤烈布拉墨

司丹侯等街日落後婦女皆不敢步行往來因鼠成羣

有害于人也斯特蘭街之蓋伊堤飯館一屋中儲有卓

布二千每被鼠銜出千餘酒窖中酒瓶有時經鼠拽出

七八碼外以三四十瓶搭成窩洞并不時咬斷電燈據

人云所損物件直共五千餘鎊且蓋伊堤飯館向來興

隆每日晚餐之客必有二三千餘人今則無矣由以上

觀之其鼠之大而多可知其他窰之鼠偷食傷人損物

嚇貓害狗甚多筆難盡述且云鼠不宜殺苟害死一個

必有十餘前狂奔喪亦奇聞也

二十三日巳卯晴入夜風數日前因現在倫敦無工貧人太多城中各地方官會於春園議論設法俾之得所乃議定三條一派百工官一員二國家須早開官工如開墾荒地種樹成林修補大路等三城邑各官須向國家會商每開一工以用人愈多愈妙更須設法阻止他城之貧民混入倫敦云二年前如此無工之人雖多僅十萬五千零乃今年竟增至十一萬四千六百四十六人

二十四日庚辰鎮日陰晴細雨不定外洋新報監督俄人魏賽里斯吉請于今日申酉之間在君主門園第四十一號會晤俄國公使賁育多第酉初乘車往入內過他國公使男女多人見俄國公使拉手問候并與他人少敘戌初回使館

二十五日辛巳鎮日陰風怒號暖入夜雨帶小雹一陣聞本年為羅馬教皇即位第二十五年慶賀之節名曰朱比立親奇宮中懸花結綵共辦一十二天係自西二月二十日至三月三日即中正月二十三日當日天明先

在賢皮特教堂行其所謂之彌撒禮。午正宮中接待各國前往慶祝之天主教人數逾六千多。比國人教皇既登座召見各國貴客各人餽送禮物頗多共收金冕三頂洋名帨阿拉武與國王者異作△形據云各冕皆須人工一年方竣又三冕共直八萬金鎊外有金鎖匙等統計所直不下百萬鎊此等朱比立禮猶太教以五十年為一節羅馬教堂向以百年為一節後漸減至二十年。

二十六年壬午鎮日陰晴風雨不定午初率馬清臣及

衡尹白三隨員乘車入十靜宮赴朝會曩者當女君主

維克都里亞在位時朝會歷在賢翟木斯宮見時君主

立各國公使率參隨同入今改於此宮登樓入正殿旁

間各公使與參隨分立午正殿門開各國頭二等公使

依次一行而入見畢在君左倚窗橫立一行繼而各國

參隨依次魚貫而入見後仍羣立對面侍衛後再後方

為本國文武員弁隨入隨出此次國君改坐金椅君座

太子及他公侯立君左座後禮官立君右稍前以唱名

立至未初二刻見畢君起立向眾點頭出殿申正驟雨

小電一陣入夜晴

二十七日癸未自晨至夕陰風怒號極冷入夜風雨交加英人麻宰多什者前赴斐洲西界呢羅里亞地方搜覓珠寶前日來信言尋得產鹽之地甚廣挖出熬成合十五先一噸該處原不產鹽歷由遠地販往每年需鹽甚多價亦極昂今得此則與英人之利益豈淺鮮哉

二十八日甲申陰晴不定涼英廷現擬在帕瑪街白堂左之樓房改建兵部衙門正面平樓四層左右二高樓各七層式作凹字形現在開工三年方竣通用坡蘭地

方白石每出長六尺厚一尺重五或六噸通樓四面牆壁須用三萬噸因石細乃不鑿而以鋸鋸之向用手鋸每出須八點鐘繼用機器舊式者鋸一點鐘三十分新式者鋸四十五分現創一種鑽石鋸每出僅用十分之工是自一日之工減至十分速而且省矣鋸亦鋼造直徑七尺鋸邊隔一尺含鑽石一出助鋸齒之力誠不在多也

二十九日乙酉早晴已刻驟雨一陣雨後復晴美國都司甘的之馬戲余前在柏林曾看一次現奇兩月前甘

來倫敦定入正西和蘭園西阿的森路之教林在亞園  
觀中排演數日前東請今晚往觀遂于戌初偕內人  
率榮驥暨孫女坐車往至甘的迎入登樓入正面客堂  
堂寬敞橫列金椅一排後立小椅十餘成正一刻開場  
奕正二刻畢所演較前迥異馬共二百餘匹惜無水牛  
西印度土種男女數十名更有小孩三名其他有美英  
閣薩土耳其馬步兵乘馬輕捷放槍極準隊伍整齊  
車六馬曳號令嚴肅行動停止卸車聲礮刷膛套車無  
不精利敏爽兵登城牆乃一名雙手橫舉其槍一名登  
槍上牆如此陸續極速末名則遞槍與牆上者牆上者  
接槍作下爬之式雙手提槍下垂墻下者即攀槍而上  
至甘的年逾耳順乘馬舉槍旁一人提筐內盛三寸小  
瓷碟乘馬隨之池內馳驅之際其人向上連拋五碟甘  
則連放五槍碟皆擊碎墜下末場為三年前在古巴美  
與日斯巴尼亞交兵美兵勝扯去日旗而豎美旗槍礮  
齊發其聲隆隆聞之頗令人有感既而甘的延入其房  
進各甘酒一杯少敘辭歸

二月

初一日丙戌陰倫敦人數日眾地漸擴充于是四面毘連各村鎮盡與倫敦混作一城現周共一百一十六方洋里民居四面共五十萬住樓大小五十八萬所一年租值統計三千六百萬鎊城勢不見方而長式如艾葉太木斯江在當中彎曲如葉榧南北西三面皆寬西面如葉稍東面江寬如葉根四面大牙相錯計足前里數王宮在城中江北偏西故城之西半一帶樓房率多華美街道寬敞整潔園囿亦多多富官城中江北偏東臨江一小圈地為老城樓雖高大而街道局促住戶少而商行多城之東南臨江左右皆船塢戶多船家水手魚高樓房皆不甚高其他南北各處多住中下等人樓房雖少破敗而高大者少街道時寬時窄雖平坦然較城西各街稍欠潔淨

初二日丁亥陰冷英都地廣人稠治理不易因見老城美爾管轄得法遂于西一千九百年十一月初一日即緒二十六年九月初十日由上下議院議定倫敦通城分作二十八區各區即以本村之名名之亦各設美爾阿得曼及地議事判案各人一切辦法咸與老城無異總名都城會

邑至各區之名係巴特溪柏門賽貝那格林芬斯百里  
康柏衛柴勒溪代特佛福樂航格林尼址哈墨司米斯  
哈克呢哈木斯代霍勒賈伊荅也魯伊哈木坡蒲辣爾  
堪興坦狼狽泗帕丁屯澳爾的池騷斯倭克司台普呢  
司鐸克牛影也賢馬立本賢潘喀斯西敏斯得五里治  
宛自倭爾斯又各區美爾等亦由各區公舉

初三日戊子鎮日風雨陣陣涼倫敦所分各區大小不  
同人丁樓房為數亦異姑分記之如巴特溪在城中稍  
西太木斯江南周二千一百六十九方洋畝居民十六

萬八千八百九十六名口樓房一萬四千九百二十二  
所按年租價共估九十萬六千二百三十五鎊按每鎊  
公抽六先十本士以供本區公費設美爾一阿得曼九  
柏門賽在城中稍東太木斯江南周一千五百一十六  
方洋畝居民十三萬零四百八十六名口樓房二萬一  
千二百六十三所按年租價共估九十萬零二百八十  
八鎊按每鎊公抽七先九本士以供本區公費設美爾  
一阿得曼九貝那格林在城中稍東太木斯江北周二  
百五十五方洋畝居民十二萬九千六百八十一名口

樓房一萬五千七百一十四所按年租價共估四十五萬七千五百一十九鎊按每鎊公抽七先一本士以供本區公費設美爾一阿得曼五康柏衛在柏門賽之西南周四千六百一十四方洋畝居民二十五萬九千二百五十八名口樓房三萬七千一百八十七所按年租價共估一百二十一萬一千七百四十九鎊按每鎊公抽七先以供本區公費設美爾一阿得曼十柴勒溪在城中偏西太木斯江北乃與巴特溪區對岸周六百五十方洋畝居民七萬三千八百五十六名口樓房九千

五百九十所按年租價共估七十九萬九千二百零八鎊按鎊公抽六先三本土以供本區公費公設美爾一阿得曼六代特佛在柏門賽與康柏衛之間而偏東周一千五百七十四方洋畝居民十一萬零五百一十三名口樓房若牙所按年租價共估五十九萬四千零十四鎊按鎊公抽六先一本士以供本區公費設美爾一阿得曼六芬斯百里在貝那格林之北周五百八十八方洋畝居民十萬一千四百七十六名口樓房之必出租者一萬六千零七十六所按年租價共估九十四萬

七千四百七十四鎊按鎊公抽六先一本士以供本區  
公費設美爾一阿得曼九福樂航在城正西太木斯江  
北岸周一千七百零一方洋畝居民十三萬七千二百  
八十九名口樓房一萬八千五百所按年租價共估六  
十七萬七千八百九十七鎊按鎊公抽七先七本土以  
供本區公費設美爾一阿得曼六格林尼址在代特佛  
之南偏東周三千八百三十七方洋畝居民九萬五千  
七百五十七名口樓房若干所按年租價共估五十一  
萬七千三百二十鎊按鎊公抽六先四本土以供本區

公費設美爾十阿得曼五哈克呢在芬斯百里之北稍  
東為城之東北角周三千二百九十九方洋畝居民二  
十一萬九千二百八十八名口樓房三萬一千三百三  
十四所按年租價共估一百一十六萬五千三百七十  
七鎊按鎊公抽六先八本土以供本區公費設美爾一  
阿得曼十

初四日巳丑鎮日風雨如昨哈墨司米斯在城之正西  
邊福樂航之北周二千二百八十六方洋畝居民十一  
萬二千二百四十五名口樓房一萬七千所按年租價

共估六十八萬四千零五十九鎊按鎊公抽六先半以  
供本區公費設美爾一阿得曼六哈木斯代在城之西  
北邊周二千二百六十六方洋畝居民八萬一千九百  
零二名口樓房一萬二千零九十六所按年租價共估  
九十三萬八千五百五十二鎊按鎊公抽六先二本土  
以供本區公費設美爾一阿得曼六霍勒賁在城正中  
太本斯江之北東傍老城周四百零九方洋畝居民五  
萬九千三百九十名口樓房六千九百二十八所按年  
租價共估九十一萬一千六百七十四鎊按鎊公抽六

先六本土以供本區公費設美爾一阿得曼七伊芬尼  
在芬斯百里之北偏西周三百零九十二方洋畝居民  
三十三萬四千九百二十八名口樓房四萬五千五百  
九十所按年租價共估一百八十五萬零四百八十一  
鎊按鎊公抽六先以供本區公費設美爾一阿得曼十  
堪興坦在城中偏西西接哈墨司米斯周二千一百八  
十八方洋畝居民十七萬六千六百二十三名口可租  
之樓房共二萬五千九百六十八所按年租價共估二  
百二十一萬五千九百零六鎊按鎊公抽五先十本土

以供本區公費設美爾一阿得曼十狼狽泗在城正中  
太木斯江之東南康柏衛之西北周四千一百六十一  
方洋畝居民三十萬一千六百七十三名口樓房四萬  
二千二百六十二所按年租價共估一百八十六萬零  
八百七十鎊按鎊公抽六先七本土以供本區公費設  
美爾一阿得曼十魯伊哈木在城之東南界南臨城邊  
周七千零十一方洋畝居民十二萬七千四百名口樓  
房若干所按年租價共估七十五萬鎊按鎊公抽六先  
十本土以供本區公費設美爾一阿得曼七帕丁尼在  
城正西稍南北臨堪興坦周一千二百五十六方洋畝  
居民十四萬三千九百五十四名口樓房一萬三千九  
百零六所按年租價共估一百四十五萬二千八百零  
五鎊按鎊公抽五先八本土以供本區公費設美爾一  
阿得曼十坡蒲拉爾在城正東臨邊南傍太木斯江周  
二千三百三十五方洋畝居民十六萬八千八百三十  
八名口樓房二萬二千九百五十七所按年租價共估  
七十八萬一千五百八十四鎊按鎊公抽八先八本土  
以供本區公費設美爾一阿得曼七

初五日庚寅白晝陰晴不定入夜大晴賢馬立本在城中稍北南近霍勒賁周一千五百零六方洋畝居民十三萬三千三百二十九名口樓房一萬七千零二所按年租價共估一百六十九萬二千七百七十八鎊按鎊公抽六先一本士以供本區公費設美爾一阿得曼十賢潘喀斯在賢馬立本之北稍西周二千六百七十二方洋畝居民二十三萬五千二百八十四名口樓房二萬四千四百四十三所按年租價共估一百七十九萬七千三百一十五鎊按鎊公抽六先一本士以供本區

公費設美爾一阿得曼十騷斯倭克在城正中太木斯江南稍東周一千一百一十九方洋畝居民二十萬六千一百二十八名口樓房三萬四千二百三十六所按年租價共估一百一十八萬四千五百九十九鎊按鎊公抽六先四本士以供本區公費設美爾一阿得曼十朔爾的池在城中東北芬斯百里與貝那格林之南西臨霍勒賁周六百四十八方洋畝居民十一萬八千七百零五名口樓房一萬三千一百所按年租價共估十七萬三千七百一十鎊按鎊公抽六先五本士以供本

區公費設美爾一阿得曼七司鐸克牛影此在城正北  
界偏東南接伊荅此與哈克呢周八百六十八方洋畝  
居民五萬二千四百二十七名口樓房七千六百八十  
九所按年租價共估三十四萬二千一百一十四鎊按  
鎊公抽之數未聞設美爾一阿得曼五斯台普呢在城  
東界潮爾的池之南太木斯江北周一千七百六十四  
方洋畝居民二十九萬八千五百四十八名口樓房三  
萬四千七百四十三所按年租價共估一百四十萬四  
千三百六十九鎊按鎊公抽六先六本土以供本區公

費設美爾一阿得曼九宛自倭爾斯在城之西南角周  
九千一百零六方洋畝居民二十三萬二千零三十名  
口樓房二萬六千九百六十一所按年租價共估一百  
五十二萬七千零六鎊按鎊公抽六先八本土以供本  
區公費設美爾一阿得曼十西敏斯得在城中央南臨  
太木斯江東靠老城西傍堪興坦北接霍勒賓周二千  
五百五十五方洋畝居民十八萬二千九百七十七名  
口樓房若干按年租價共估五百萬鎊按鎊公抽五先  
九本土以供本區公費設美爾一阿得曼十五里治在

城正東太木斯江南即前所比言之葉根處也周八千二百九十六方洋畝居民十一萬七千一百六十五名口樓房十萬八千零九十九所按年租價共估六十四萬七千一百八十四鎊按鎊公抽七先六本士以供本區公費設美爾一阿得曼六初六日辛卯晴外國火輪車之第一輛機器車重由一百七十噸至二百噸故沿路橋梁皆須極鞏固現電機盛興用之車輛相宜聞法國今擬將火輪車撤去機器車頭改於每輛坐車中置一電匣歷來坐車每輛重約

八噸雖加電匣而今量依然既去二百噸重之機器則沿路橋梁可省人工料費車亦輕捷尤省時刻蓋沿途無須添水加煤也煤水既省則各站無需人工者多矣入夜陰

初七日壬辰陰雨陣陣前所謂倫敦各區之按年租價內公抽之款乃按一所樓房一年出租若干鎊于是由中按鎊公抽若干先此項在房稅地租之外不歸官而入本區工部局英名撥婁考安熙收數雖多而用處亦雜如學堂教堂醫院書院街巷路燈修理街道溝渠淨

天氣清地氣預備巡捕衣帽錢糧賑濟貧民如各家兒女按官例皆須於六七歲入學讀書其無力者則代籌學費病者領入醫院代付藥費出天花者經醫官報入公局則送至鄉間或至海邊船內往來一切費用皆代付歿者無力買棺及無葬地則既代買棺復代買葬地并出一切載運葬埋各費也

初八日癸巳晴倫敦通城既分二十八區而各區又自分段乃有一教堂即為一段各區自設電燈局管理葬埋所公書院任人入內觀看鈔寫澡堂帶洗衣處雖按

人索錢而較他處價皆減半

詳見六述奇

各區自有公所名

曰米尤呢希巴通勒丁或濤恩霍勒義皆城邑公堂也

按月公會二三次皆有定期定時各官除美爾阿得曼外有議事人三四五十不等咸稱曰寬希洛爾義即議員或議士此外又有專理一事者如理財者估價者管塚地者管澡堂者察工者察人之身骸氣力者察房地者收公稅者管理事歸議院者管碼頭者察街道者察燈火者察貨車者察大道者察花園者管書院者察驗食物者更有書手帳官等總之一區理事各人大小不

下一百云

初九日甲午陰冷見今日倫敦日傳新報內一則題云  
王爵走私乃俄國某王爵夫婦由德回俄上車時管車  
人察其形迹可疑電傳下站緝巡第一站在艾庫痕城  
考察未獲至第二站威巴倫地方查得該王爵腰圍細  
絲帶五斤經稅局勒令加稅五倍始准夫婦啟程前進  
外國事事實辦處處皆然亦關乎實有其力上下一心  
而已

初十日乙未晴近聞俄人莫克晒斯吉者本善蟲學現  
創一法使有益於花木乃挾阜鑿于樹槎免耗樹根吸  
養之力而能使樹槎高生樹葉加綠而結實茂盛其細  
法未詳究亦不外乎格物化學耳

十一日丙申早陰午初一刺率陳安生王香圃聯瑞亭  
繼旭升乘車入卜靜宮赴朝會前次朝會因國君初即  
位改新章各國公使與參隨分兩班且各參隨皆與本  
國人同有名帖交禮官唱名此次仍因舊制公使在前  
而參隨隨之頭等者仍依次排立君左二三等者同各  
參隨皆立對面不知何故前次共人七百餘此次加至

九百零由午正立至未初始畢申刻細雨陣陣涼  
十二日丁酉陰雨英國水師用款昨經海部尚書擬定  
於西曆一千九百零三四年各年須費至三千四百四  
十五萬七千五百鎊較上年多費三百二十萬零二千  
鎊又所擬添造船隻費須一千零十三萬七千鎊較上  
年多用一百零七萬九千鎊水師兵卒擬加練十二萬  
七千一百名較上年多加四百六十名此外又添火夫  
六百二十五名水手三百七十五名今後凡各水手之  
身軀強壯者皆須加練機器燒火等學以便隨時隨處

之用且各武弁亦須學練使用機器各學以備不虞

十三日戊戌晴聞一二十年前有英富官倭特路者樂  
善好施因思男女工人之貧苦無力多賃房間老幼羣  
居易於生病遂在鄉間買地分所築小房每所兩層上  
下三四五間不等一家夫婦子女之三四五口者居之  
較之與他人共居一所賃僅一二三間者潔淨便當多  
矣且房後咸以木牆圍一小院在內可以栽花曝物處  
處可得自由其賃價較他房減半亦貧民之所樂居數  
年前又有世爵婁敦以工人居住鄉間房雖賤而早晚

往來仍須出火車費莫如在城內建造大所樓房按層分間有公廁所每一二間間加廚房一小間按家口人數分居房直既加賤且房主代雇工人洒掃收拾于是在太木斯江西議院之南沿江米勒班街舊有米勒班監牢為官折去因買其地及左右一帶建樓房現已一十七所總名曰謀得先令義為循規住所各所均以著名工匠之名名之如郝夏爾樓甘斯柏樓是也其地價共四萬五千二百零二鎊蓋房共費二十萬六千九百五十九鎊房間足供四千四百三十人住租價每間每

禮拜四先半或十二先半四間前于西二月十八日止中月二十午後英皇與后便服坐四馬敬車由卜靜宮幸其地以示憐念貧民之意當日在瓦克簾及丹敦那兩街凡工民之賃此樓者皆窓外橫懸紅白綵綢王車到有本區工部局總辦馬都夏率人迎送馬幼女喀色蓮呈獻皇后淺紅玫瑰一束以表恭敬人民皆歡呼君與后入內步行一週末至一所住係一木匠其妻女由內接出幼女愛蒂敬呈皇后紫蘿蘭一束將出樓門君與后各畫押於門簿始登車由舊路還宮此類門簿凡於

緊要之數皆有人之前往遊覽者臨行皆須書其名於簿一以張其光耀於將來一若有物遺失亦可計日計人追究云

十四日己亥晴半月前阿木斯當船廠主人那歐布夫婦東請余與金氏于今日戌正在其家晚酌戌初偕內人乘車至伊比坊第六十九號樓頗寬敞整潔陳設多中華日本物伊夫婦曾東游也男女客陸續來十人未詢名姓少坐下樓入飯廳酒食豐美勸進良殷亦正食畢登樓各飲加非一杯少叙謝歸

十五日庚子晴亥初偕內人乘車入卜靜宮赴君與后之女朝會此朝會前君主維克都里亞特皆於白晝午後既不奏樂君主亦永不坐此次東請亦正乃至子初三刻君與后始出立于座前各國公使夫婦子女參隨過前君與后仍立連本國婦女過則坐向各人點頭還禮矣君座對面樓上奏樂見畢樂奏天保國王于是君與后前行眾陸續後隨轉入別間茶酒小食又與曩之入宮聽樂聽曲者同且正還使館

十六日辛丑晴黑種人之面黑如鐵如漆者在南美洲

及斐洲之土人皆然聞有德國醫生某甲久歷斐洲之  
投勾蘭地方據云其人之原質不黑初產下其皮色與  
歐洲者同二三個月後皮變稍青再十天則成栗皮色  
四個月則深黑如漆矣查其夫凡必因其皮肉嫩外表  
遂為地氣所易白人至彼久往而皮色不改者因其皮  
肉生就氣力足而能敵其氣也

十七日壬寅晴西俗晚餐最忌十三人共卓不意昨晚  
有人在霍勒資街白玉堂請客速入座數之適十三人  
主人即具東別招一友以足十四人初舉箸怒座中一

客之家人執電信來請因係急務其人謝辭馳去依然  
十三人共卓皆不樂而散主人約定改日復請屆期人  
數無誤乃值月底三十日且係禮拜五日按月計之月  
底不祥禮拜五日亦不祥客皆不坐而去以上詳見  
四述奇

十八日癸卯晴余前在德京觀劇演有八十日繞地一  
周之戲亦僅人心設想而作并無其人之曾經走過者  
今見新報中一則題曰四十五天繞地一周並將所經  
各地之名及所需之時日開出統須四十五天零五時  
由倫敦西北行一天零三點鐘至坤如塘城在愛爾蘭  
正南海口

再駕船走大西洋西駛五天零十二點鐘三刻至美國  
紐約由紐約坐火車西走十一點鐘至門地里阿地在那  
他之南再西走陸路四天零四點鐘至萬庫瓦洲在北美  
界臨湖由彼坐船西行十天零十點鐘至橫濱再坐船  
西南行一天零十二點鐘至長崎仍坐船北行三天至  
海參崴由海參崴南行兩日至哈爾濱再西行兩天零  
十八點鐘至滿洲再西北行三天零十二點半鐘至俄  
國伊爾庫斯克再西行七天零二十三點鐘至俄舊都  
墨斯高由彼再西北行水陸兩天零二十三點半鐘則

回倫敦矣雖云繞地一周乃近寒帶之一小圈耳

十九日甲辰鎮日陰雨入夜大風涼西人之好奇而不  
守定規亦過矣聞昨在倫敦東色當地方有新夫婦及  
兩造男女各客自本家入教堂由教堂回家皆不坐馬  
車而騎腳踏車又在巴爾慶地方之霍里特里呢堤教  
堂中一水手行成親禮男客十二人亦皆水手出堂特  
同將車馬卸下且由車內將新夫婦拽出使其携手步  
行以博一笑

二十日乙巳晴時值天暖田地當耕種各鄉佃戶多致

書于倫敦各善會會首招雇各無工之人各地地主雇用  
農夫之定規地主備給住房院落携有妻子亦歸地主  
雇用每一禮拜工錢十三先加工逾時加一先半地主  
讓地三十碼以便自種加房租所省共合五先地主每  
日給半夏倫前賽得兩酒亦見合二先准在院中畜養  
猪羊雞鴨合省二先儉省柴火合一先總之一禮拜連  
工錢及所省各項共一鎊四先半

二十一日丙午巳正陰雨陣陣申正雨止仍陰西人講  
求格物化學精益求精以之造物有益無損于是由此

學製造鑊櫃諸物既防回祿亦防盜賊乃近日德國穿  
窬宵小亦緣是學造物為破他人已成之物倫敦城北  
一帶所獲德人甚多皆由本國來此以充堂倌侍僕為  
名入夜偷盜法既便所用器具亦精巧而各偷皆明此  
學且知造鎖開鎖之法即如數日前有三德人偷開某  
郵政局之鑊櫃乃先置一養術氣吹筒于櫃前不用暗  
燈而用小電燈且置一二年新創之熱氣于櫃頂或  
櫃旁此種熱氣極烈至硬之物遇而即軟鑊門既化成  
孔則開之易矣另有一種火爐內置長圓鑊一函金以

不灰木旁置一疾風筒圍以焦煤與炭火燒鑊熱塞入孔中隨行無阻此後插一吸氣筒于一孔中以吸櫃中之氣他人向別孔中塞火藥此孔隨塞他孔隨吸火藥吸足然之轟鑊門即不自開而門亦必段此後將刺針插入則各門皆開此針洋名翟米苗此法無成則塞硫酸鹽于鎖孔以毀鎖巧法種種各鑊櫃舖因知其破櫃之策現又別設妙法以防其毀是無異一國做出新式則他國必設法以勝之

二十二日丁未情倫敦理事長官駱立擇於今日

西三  
月二

時戊初三十分在賽西店宴客名曰理事廳會半月前駱東請今日戊初余著官服乘車往入店正門在院右下車進樓門轉下石梯五層共百餘級入大廳見駱立待少頃陸續到齊共三百五十四人居時旁門開入飯廳廳極大四面牆壁皆鑲以彩石高約七丈寬六丈長八丈四壁有電燈棚頂復垂大玻璃電燈八左鄙有樂臺上坐紅衣樂兵十二樂奏陣陣對面壁中橫有鑊欄內亦寬敞容坐數十人蓋此廳在地下廳上不知仍有樓幾層其工之大可知矣廳內長桌列作梳形如此

正面梳背一橫坐四十一人對面八空內每空坐二人  
共十六人豎九齒每齒左右各坐十六人齒頭各坐一  
人合每齒坐三十三人外客僅余一人他皆本國上下  
議院世爵紳董及水陸帶兵大員并各區正副美爾等  
駱五坐梳背正中余坐其右為首座再則上下議院爵  
紳水陸大員并倫敦正任及前任美爾等通場坐齊駱  
先立起眾亦隨立謝天賜食繼而齊行舉箸菜饌頗佳  
酒香賓舍粒柏爾都萬卜朗等冰乳兩次鮮果有葡萄  
平果香蕉波羅密飲加非後各進一帝袋內盛大小於


捲各一對于是駱立立言請諸君吸烟再則請眾舉酒  
一祝國君與后再祝太子與妃等之福樂兵隨奏天保  
國王之樂此後立誦陳詞者十四人每一人將立則駱  
座後一人高聲宣言請諸位靜坐以聽某某演說連聽  
各人言畢謝歸時已子正

二十三日戌申晴暖倫敦穿窬現既多德義志與坡蘭  
人所用器具頗多精巧前已述及一二茲又聞有幾種  
如木梯長只二尺可拽長至二丈割護窗護牆鏡板器  
頭作山字形中一鋼鑽左右利刃後有鐵輪轉柄執柄

轉輪則鑽輪兩邊刀亦隨轉少刺即一圓餅割下牆壁  
通矣洋人屋門睡時自內關鎖乃將鑰匙遺插其上乃  
有一種鐵鉗以之探入能使鎖上鑰匙轉而開鎖此外  
另有鋼鑽器具多種皆無定名至其刺針乃形似腰刀  
可短可長并備有帶鉤及各種細硬可大可小之鑰匙  
以便臨時試用

二十四日巳酉晴西國舊俗兩人因怒擇日彼此比武  
或以劍對刺或以手槍對擊必有一傷而後已此種關  
械名曰丟埃見聞現在中國之俄人因槍劍無多乃別

創一法係二人拈鬮其拈得寫死字者須由齊齊喀爾  
至谷爾賓坐火車往來一次如果仍活或臂腿不傷則  
其仇敵互相慶賀之蓋此條鑊道新造處處工不精而  
料不實每行一輪征客必有損傷也



淡不... 其... 是... 險...

